

醫首學子從衆錄
二火三



奉啓尚

醫學從衆卷二

閩吳航陳念祖脩園甫著

次男元犀靈石叅訂

孫男 心典徽菴

心蘭芝亭

全校字

咳嗽

肺如華蓋司呼吸以覆藏府。凡五藏六府外受之邪氣必上干於肺而為咳嗽。此咳嗽之實症

也。凡五臟六府損傷之病，氣亦上薰於肺而為咳嗽。此咳嗽之虛症也。病源婁氏綱目繁而難從。今照景岳全書，只以虛實分之。甚見簡括。何謂實證？外受之邪。非寒邪即熱邪也。表寒則脈浮帶弦，帶緊頭痛身痛，或鼻塞時流清涕。輕者六安煎，重者金沸草散。及小青龍湯主之。裏寒者脈沉細，真武湯去生薑加乾薑五味細辛主之。熱則脈洪而長，或浮數而有力，口渴面紅，溺

赤而短輕者瀉白散加減主之。重竹葉石膏湯主之。寒熱往來而咳者。小柴胡湯去人參大棗生薑加五味乾薑主之。

六安煎 方見三字經

金沸艸散

旋覆花 錢二

荊芥

前胡

麻黃

白芍

半夏 各一錢五分

甘艸 一錢

加生薑五片水煎服○

活人方有茯苓細辛無麻黃白芍

何謂虛症咳嗽為癆傷之漸非氣虛即精虛也。
氣虛者羸瘦怠倦少食痰多言微脉微細六君
子湯補中益氣湯歸脾湯主之。如乾薑五味細
辛阿膠半夏二冬二母紫苑之類。隨宜加入精
虛者面色黯。口燥舌乾。乾咳痰稀。氣喘腰膝痠
痛。或面色浮紅。晝輕夜重。脉浮數而虛。右尺脉
弱者八味丸。左尺脉弱者六味丸。二方俱宜加
入麥冬五味阿膠胡桃之類。為標本同治之法。

大抵氣虛症是得之勞役飢飽過度及思慮傷脾所致。氣不化精。陽病必及於陰。精虛症是得之色慾過度。或先天不足。少年陽痿之人。精不化氣。陰病必及於陽。感春溫之氣而咳嗽。宜加玉竹。感夏令暑氣而咳嗽。宜加石膏麥冬五味之類。感秋令燥金之氣而咳嗽。用喻嘉言清燥湯神效。感冬寒之氣而咳嗽。無汗宜金沸艸散。有汗宜桂枝湯。加厚

朴一錢五分。杏仁二錢。半夏一錢五分。

又三焦虛嗽。宜溫肺湯。中焦虛嗽。宜六君子湯。

加乾薑。細辛。五味子。下焦虛嗽。宜七味丸。加五

味。三焦俱虛。宜三才湯。

喻嘉言清燥救肺湯

治噴鬱喘嘔

鬱痰加川貝月

三才湯

天冬 錢二

熟地 錢三

人參 錢一

水煎服

補中益氣湯


歸脾湯

六君子湯

六味丸

八味丸 各見
時方

溫肺湯



陳皮

半夏

酒芍

乾薑

炙草

各一錢

杏仁

去皮

肉桂 或用桂枝

五味

細辛

各五分

水煎服

仁齋方有阿膠無芍藥

脉法

浮緊屬寒

浮緩屬風

浮數屬熱

浮細屬濕

浮濇屬房勞

浮滑屬痰

浮大者生

沉小者危

弦疾者胃氣敗

採聖濟五臟諸咳嗽

論云內經謂肺咳之狀咳而喘息有音甚則吐血心咳之狀咳而心痛喉中介介如梗狀甚則咽痛喉痺肝咳之狀咳而兩脇下痛甚則不可以轉轉則兩胛下滿脾咳之狀咳而右脇下痛陰陰引肩背甚則不可以動動則咳劇腎咳之狀咳則腰背相引而痛甚則咳涎五臟之咳久

而不已乃傳六腑六腑之咳內經論之詳矣

杏子湯

聖濟

治咳嗽晝減夜增不得眠食即吐逆

杏仁

去皮

半夏

桑白皮

白蒺藜

百合

麻黃去根節

柴胡

白石脂

款冬花

枳殼

肉桂去粗皮

紫苑

旋覆花

川貝母

以上各五分

糯米錢三

生薑片二

水煎服

蛤蚧丸聖濟

治久咳嗽喘急

蛤蚧

一對酥炙

半夏

杏仁

去皮尖研各一兩

括樓

大者二枚去子取肉蒸研

阿膠

蛤粉炒

人參

各五錢

青皮

去白二分錢五分

乾薑

湯泡二兩

右共為細末煉蜜和丸如小茱大空心米湯

送下二十九

五靈脂湯聖濟

治肺咳及諸咳

五靈脂

馬兜鈴各一錢

人參

五味

炙甘草

桑白皮

陳皮

杏仁去心各五錢

生薑片二

水煎空心溫服

人參桔梗散聖濟

治心咳嗽咽喉腫痛

人參 分五

桔梗 錢二

茯苓

牛旁子

炒各一分

炙甘草

分七

共為末薑湯空心下二錢日云

木乳散 濟聖

治肝咳嗽兩脇下滿

木乳

即皂莢樹根皮酥炙三兩

杏仁

去皮尖研

貝母

去心各三兩

炙甘草

一兩

共為細末薑橘湯送下二錢

半夏陳皮湯 聖濟

治脾咳嗽

半夏

陳皮

杏仁 去皮

赤茯苓

柴胡

麻黃 去根節 各一錢

甘草 五分

生薑 一片

水煎空心溫服

四味散 聖濟

治腎咳嗽

補骨脂 炙

牽牛子

半生半炒

杏仁

去皮尖 各一兩

郁李仁 錢五

共研末茶送下二錢

黃芪散 聖濟

治大腸咳嗽

黃芪

人參

白茯苓

桑白皮

各一錢

甘草

三兩

右為細末滾湯下三錢

鹿角膠湯 聖濟

治大陽咳嗽

鹿角膠

半夏 薑汁炒

杏仁 去皮

麻黃 去根節 各一錢

甘草

生薑 三片

水煎空心溫服

痰飲

王節齋曰。痰之本水也。原於腎。痰之動濕也。主

於脾。余又從而續之曰。痰之成氣也。貯於肺。俗云

治痰先治氣。謂調其肺氣使之清肅下行。此六也。又云。脾為生痰之源。肺為弔痰之器。

語堪為痰病之綱領。大抵脾肺分其虛實。腎藏

辨其水火。○肺實者肺有邪也。若非寒邪即火邪。

寒邪。六安煎。小青龍湯。火邪。清肺飲。清燥救肺湯。

治之。肺虛者本藏自虛。治節不行而痰聚之。或

從脾以治之為扶土生金之法或從腎以治之為補子救母之法。

蓋肺天也脾地也地氣上升則天氣下降肺天也腎水也天休不連地而連水內經云其本在腎其末在肺以明水天一氣也脾土太過氣滯鬱熱而生痰宜王節齋化痰丸主之脾土不及氣虛不運食少化遲而生痰者宜六君子湯理中湯加半夏茯苓枳實主之賢具水火趙養葵曰非水泛為痰則水沸為痰但當分有火無火之異耳腎虛不能制水則水不歸源上泛濫為痰是無火也故用八味丸以

補腎火。陰虛火動。則水沸騰。動於腎者。猶龍火之出於海。龍興而水附。動於肝者。猶雷火之出於地。疾風暴雨。水隨波湧。而為痰。是有火也。故用六味丸。補水以配火。此不治痰之標。而治痰之本也。然則有火之痰。與無火之痰。何以辯之。曰。無火者。純是清水。有火者。中有重濁白沫。為別耳。

長孫男心典按。痰起於腎。而動於脾。聚於肺。

分之則有上中下之殊合之則一以貫之也
痰者水也。治腎是使水歸其壑。治脾是築以
防隄。治肺是導水必自高原也。

化痰丸

方見三字經

王節齋曰。古人用二陳湯為治痰通用。所以
實脾燥濕。治其標也。然以之治濕痰。寒痰。痰
飲。痰涎。則固是矣。若夫痰因火上。肺氣不清。
咳嗽時作。及老痰鬱痰。結成粘塊。凝滯喉間。

吐咯難出此等之痰皆因火邪炎上薰於上
焦。肺氣被鬱。故其津液之隨氣而升者。為火
薰蒸。凝濁鬱結而成。歲月積久。根深蒂固。故
名老名鬱。此方開其鬱降其火。清潤肺金。而
消凝結之痰。緩以治之。

六味丸

八味丸

六君子湯

補中益氣湯各見時方

理中丸方見傷寒

清肺飲

貝母去心

桔梗

橘紅

茯苓

甘草

桑白皮

杏仁

水煎服

仲景云其人素盛今瘦水走腸間漑漑有聲謂之痰飲飲後水流在脇下欬唾引痛謂之懸飲

飲水流行歸於四肢。當汗出而不汗。出身體疼。重謂之溢飲。欬逆倚息。氣短不得卧。其形如腫。謂之支飲。後人不明四飲之義。加留飲。為五飲。不知留飲即痰飲也。

次男元犀按仲景金匱要畧。分辨詳盡。方治神奇。學者宜細心體認。今為初學立法。難以語上。不得不俯以從時。而尋其簡要。只四字。可以蔽其義。曰微甚虛寔。微甚者以病勢而言。虛寔者以病人之身體而言也。飲之微者。

小青龍驅之於外。真武湯鎮之於內。再以倍
朮丸以燥之。五苓散以利之。桂苓朮甘湯以
化之。可以收功矣。飲之甚者。邪伏於背。俞高
處內與中氣相通。外與表氣相接。故邪動即
大隊俱起。勢如伏兵。此當表裏並治。宜小青
龍湯。又木防已去石膏加芒硝茯苓湯治之。
又當上下分治。喘不能息。氣閉上也。宜葶藶
大棗瀉肺湯主之。腹滿腸間有水氣。閉於下

也宜防已椒目葶藶大黃九主之。如飲甚內
痛必用十棗湯之峻。方可搗其巢穴。此治飲
之大畧也。又當察其人之虛寔。以為用藥輕
重緩急之準。

葉天士曰。飲為陰邪。非離照當空。氛霧焉能退
避。若以地黃五味陰藥。附和其陰。則陰霾沖逆
肆空。飲邪滔天。莫制宜。附子人參茯苓大棗配
生薑汁除陰維陽為妙。

次孫男心蘭按葉天士此論為飲症之虛者而言。

又仲師云微飲氣短。苓桂朮甘湯主之。腎氣丸亦主之。此二句可為治虛飲之法。

仲景治痰飲咳嗽諸方。列喘症門。宜細心研究。倍米丸。

白朮

少二兩

桂心

乾薑

炒各一兩

蜜丸。桐子大。每服二十九。米飲下。加至三十。

五九食前服

小青龍湯

五苓散

方各見傷寒

木防已湯

方見金匱

開三焦水結通上中下之氣屬虛者

木防已去石膏加茯苓芒硝湯

水邪寔結愈而復發

防已椒目葶藶大黃丸

腹滿口舌乾燥腸間有水氣

程氏曰防已椒目導飲於前清者從小便而
出。大黃葶藶推飲於後濁者從大便而下。此
前後分消則腹滿減而水飲行脾氣轉而津
液生矣。

腎氣丸

苓桂米甘湯

治胸脇支滿目眩

并治飲邪阻滯心肺之陽。令呼氣短。

甘遂半夏湯

治飲邪流連不去。心下及滿。

程氏曰。留者行之。用甘遂以決水。飲結者散之。用半夏以散痰。飲甘遂之性直達。恐其過於行水。緩以甘草白蜜之甘。堅以芍藥之苦。雖甘草甘遂相反。而寔以相使。此苦堅甘緩約之之法也。靈樞經曰。約方猶約囊。其斯之

謂與。

尤氏曰，甘艸與甘遂相反而同用之者，蓋欲其一戰而留飲盡去，因相激而相成也。白苟白蜜不特安中亦緩毒藥耳。

十棗湯

治懸飲內痛。

亦治支飲。

大青龍湯

治溢飲之病屬經表屬熱者宜此涼發之

澤瀉湯

支飲雖不中正而迫近於心飲邪上乘清陽之位其人苦胃眩胃者昏冒而神不清如有物冒蔽之也眩者目旋轉而乍見眩黑也宜此湯主之

厚朴大黃湯

治支飲胸滿
支飲原不中正飲盛則偏者不偏故直驅之從大便出

葶藶大棗瀉肺湯

治支飲不得息

小半夏湯

各方見金匱

治心下支飲嘔而不渴

茯苓飲

外

治積飲既去而虛氣塞滿其中不能進食此証最多此方最妙

茯苓

人參

白朮

各一分
錢

枳寔錢一

桔皮錢一
分五
生薑錢二

水二杯煎七分服一日三服

三因白散方見三字經

梨藕汁膏

治痰嗽諸虛奇驗如神

梨汁

藕粉

蘿蔔汁

生薑

人乳

白糖

沙糖

童便各四兩

將八味放磁瓶內用炭火熬煎至一觔為止
每日空心百滾湯調下四五錢服完即愈能
常服則精神強健永無虛損

款冬冰糖湯

治小兒咳嗽并大人咳嗽方

款冬花

三錢

冰糖

五錢

將二味放茶壺內泡湯當茶吃自然漸愈

海浮石滑石散

治小兒天哮一切風濕燥熱咳嗽痰喘並治大人等症

海浮石

飛滑石

杏仁各四錢

薄荷二錢

右為極細末每服二錢用百部煎湯調下

人參冬梨方

治痰火骨蒸吐血不足之證重十服八服即

愈

人參

天冬

麥冬

各一錢五分

茯苓

五分

杏仁

二枚去皮尖

紅棗

二枚去核

蓮子

六枚去皮心

人乳

二匙

白蜜

三匙

大甜梨

一個削刀挖去心

將前藥製碎納梨內仍以梨蓋蓋之用綿紙封固飯上蒸熟日間吃其藥臨卧吃此梨

青黛蛤粉丸

治咳嗽吐痰面鼻發紅者一服即愈其效如

神

月黛

水飛極細晒乾
再研用三四錢
蛤粉三錢

二味煉蜜為丸如指頭大臨卧口噙三九

枇杷蜜湯

治痰火

用枇杷五十葉去毛水五十杯煎至五六杯
再重湯燉至三四杯每藥三茶匙冬蜜一茶
匙調下

薑糖湯 各方見
種福堂

治老人上氣喘嗽不得卧

生薑汁 五兩

黑砂糖 四兩

用水煎 二十沸時服半匙 漸漸燕之

五味子湯

治傷燥欬唾中有血牽引胸脇痛皮膚乾枯

五味子 五分 桔梗 甘州

紫苑茸 竹茹 桑根皮

續斷

各一錢

生地

二錢

赤小豆

一撮

右九味水煎空心服秘旨加白蜜一匙

長孫男心典按赤豆易生扁豆五錢，囫圇不

研最能退熱補肺但有寒熱往來忌之去續

斷赤豆地黃加歲蕤門冬乾薑細辛亦妙

麥門冬湯

各見千金

治大病後火熱乘肺欬唾有血胸膈脹滿上

氣羸瘦五心煩熱渴而便秘

麥冬二錢
去心

桔梗

桑根皮

半夏

生地

紫苑茸

竹茹各一錢

麻黃七分
去根節

甘艸五分

五味子十粒
研

生薑一片

右十一味水煎空心服

喘促

喘症最重而難醫。吾觀庸醫凡遇喘症。必投蘇子降氣湯一二劑。不愈。即用貞元飲治之。不愈。即加沉香黑鉛磁石牛膝之類。曰。吾遵景岳法施治。無如其病深弗效也。斯說也。倡之於某老醫。今已傳為成矩。誠可痛恨。余即以景岳之說正之。景岳曰。喘有虛寔。寔者胸脹氣粗。聲高息湧。膨膨然。若不能容。惟呼出為快也。論中未嘗

不以風寒燥火怒氣痰飲分別而治之。又曰虛喘者。慌張氣怯。聲低息短。皇皇然若氣欲斷。提之若不能升。吞之若不能降。勞動則甚。但得引長一息為快也。論中未嘗不以老弱久病。脾肺腎藏大虛。及血後汗後。婦人產後等症。臚列而分治之。其中不無語病者。蓋未研究傷寒論金匱之旨。而徒涉獵醫書。無怪其有膚淺處。有似是而非處也。余俯從時好。即景岳虛寔兩語。而

用。恭以古法羅列經方。及多當時方。以為臨症擇

寔喘方

越脾加半夏湯

咳而上氣此為肺脹其人喘目如脫脉浮大者

小青龍湯

肺脹咳而上氣心下水氣脉浮者

桂苓五味甘艸湯

小青龍雖治寒飲咳嗽上氣之良方。而下虛之人。不堪發散。動其衝氣。急用桂苓伐腎邪。五味斂肺氣。以輯其火。甘艸調中氣。以制其水。

桂苓五味甘艸加薑辛湯

方各見金匱

既藉桂苓之力。下其衝氣。而反更咳胸滿者。是寒飲貯胸。雖用桂而邪不服。嫌其偏於走

表而去之。加乾薑細辛取其大辛大熱以驅寒洩滯也。

金匱法前症蕪胃而嘔者加半夏以驅飲。名桂苓五味甘州去桂加乾薑細辛半夏湯。

前症蕪形腫者是肺氣滯而為腫。加杏仁利之名苓甘五味加薑辛半夏杏仁湯。

前症又蕪面熱如醉。此為胃熱上衝其面。加

大黃三錢以利之。味氣不利滯於外而形腫滯於內而胃熱既以杏仁

利其胸中之氣復以名苓甘五味加薑辛半

夏大黃湯。

徐忠可曰仲景數方俱不去薑辛即面熱亦不去薑辛何也蓋以薑辛最能洩滯止咳凡飲邪未去須以此二味刻刻預防也。

桂枝加厚朴杏仁湯

方見傷寒

喘家主之太陽病下之微喘以此解表。

射干麻黃湯

咳而上氣喉中作水雞聲者

皂莢丸

咳逆上氣時時唾濁但坐不得眠

稠痰粘肺非此方不

能清條

葶藶大棗瀉肺湯

肺因支飲滿而氣閉氣閉則呼吸不能自如

此方苦降以泄實邪

十棗湯

支飲家。欬煩胸中痛者。

喻嘉言曰。五飲之中。獨膈上支飲。最為咳嗽。根底外邪入而合之。固嗽。即無外邪而支飲。漬入肺中。自令人咳嗽不已。况支飲久蓄膈上。其下焦之氣逆衝而上者。尤易上下合邪也。夫此。痰飲之故。而令外邪可內。下邪可上。不去支飲。其咳嗽終無寧宇矣。

麥冬湯

方各見金匱

火逆上氣咽喉不利止逆下氣此方主之

瀉白散

治肺火喘嗽

四磨飲

治七情氣逆而為咳

並治一切實喘

蘇子降氣湯

方各見時方

治痰嗽脹滿喘促上盛下虛

紫蘇湯

聖濟

治卒氣短

紫蘇

四錢

陳皮

一錢

紅棗

三枚

水酒煎服

虛喘方

加味六君子湯

治肺脾虛寒痰嗽氣喘

人參

白朮炒

茯苓

半夏

錢各二

陳皮

廿中分

乾薑

錢各一

細辛

分八

五味

分七

水煎服

參附湯

治元氣虛脫。手足逆冷。汗出不止。氣短欲絕。

愚按此上中下俱脫之症。若中焦脾氣脫者。

以白朮一兩代人參。名朮附湯。上焦肺氣脫。

者。以炙黃芪一兩代人參。名芪附湯。但黃芪。

輕浮必加麥冬三錢五味一錢以納之下焦
腎氣脫者以熟地黃一兩代人參但熟地性
滯壅痰所宜且功緩非急症所倚須加茯苓
四錢導之方為穩當觀仲景茯苓甘艸湯茯苓
苓桂枝白木甘艸湯真武湯三方皆以茯苓
為君皆治汗出不止蓋以汗之大泄必引腎
水上泛非茯苓不能鎮之此以平淡之藥用
為救逆之品仲景之法所以神妙也

黑錫丹

治脾胃虛冷，上寔下虛，奔豚五種，水氣中風，痰潮危症。

喻嘉言曰：凡遇陰火逆冲，真陽暴脱，氣喘痰鳴之急證，合此丹再無他法之可施。予每用小囊佩帶隨身，恐遇急症不及取藥，且欲吾身元氣溫養，其藥藉手效靈，厥功歷歷可紀。徐靈胎曰：鎮納元氣為治喘必備之藥，當畜

在乎時非一時所能驟合也

六味丸 方各見時方

治腎陰虛不能納氣者加

麥冬 錢五 五味 錢一

腎氣丸 方見金匱

治腎陽虛不能納氣

全真一氣湯 馮氏錦囊

治上焦虛熱下焦虛冷此方清肅在上填實

在下之法

熟地一兩

麥冬

五味七分

人參一二三錢或一兩另炖調復

牛膝各二錢
冬白朮炒三錢

附子一錢
頂重用

水煎服

枸杞湯方見時方

治氣短

貞元飲見三字經

余推景岳製方之意。以氣為陽。血為陰。大汗亡血。產後及熱病之後。血虛則氣無附麗。孤陽無主。時見喘促。故以此飲濟之。緩之。其要旨。在濟之。緩之。四字。今人順口讀過。便致許多誤事。蓋陰血枯竭。最喜熟地之濡潤。以濟之。猶恐濟之不及。濟故加當歸。以助其濟之力。呼吸氣促。最宜甘草之大甘。以緩之。猶恐緩之不能。緩故用至二三錢。以成其緩之。

之功

熟地

三五錢至一兩

當歸

炙艸

冬三錢

水煎服

長孫男心典按氣為夫。血為妻。無妻夫必蕩。自然之勢也。此方補血為主。使氣有歸。附漸漸而乎。緩劑也。今人於真陽暴脫。氣喘痰湧。危症。不知議用附子湯。真武湯。及黑錫丹等藥。而以貞元飲投之。則陰霾冲天。痰涎如湧。

頃刻死矣

此方入經。不能入腎。不可不知。

真武湯

治水氣咳嘔小便不利四肢腫腹痛

次男元犀按已上治喘等方多主水飲因仲

景云短氣皆屬飲一語悟出無數方法藥到

病瘳指不勝屈方知取法貴上也

真武為北方水神以之名湯者藉以鎮水也

附子辛熱壯腎之元陽。則水有所主。白朮之
溫燥。建中上。則水有所制。附子得生薑之辛
散於補水中。寓散水之意。白朮合茯苓之淡
滲於制水中。寓利水之道。尤妙在芍藥之若
降。以收真陽之上越。蓋芍藥為春花之殿。交
夏而枯。藉其性味。亟令陽氣歸根於陰也。

附子湯

方各見
傷寒

此方即真武湯。去生薑。加人參。共補陽鎮陰。

分岐只一味與分兩略殊學者讀古人書必於此處究心方能受益。

金匱云氣短有微飲當從小便去之苓桂甘朮湯主之腎氣丸亦主之。

喻嘉言曰飲邪阻碍呼吸故氣短但呼吸幾微之介不可辨若呼之氣短是心肺之陽有碍宜苓桂朮甘湯以通其陽陽氣通則膀胱之氣竅利矣若吸之氣短是肝腎之陰有碍宜腎氣丸

以通其陰。陰通則少陰之關開矣。
按氣短分及呼吸其旨微矣。

脉息

宜浮滑

忌短澹

景岳曰：微弱細澹者，陰中之陽虛也。

浮大弦芤按之全虛者，陽中之陰虛也。

微弱者順而易醫。

浮空者險而難治。

哮喘症

聖濟總錄曰。呷嗽者。咳而胸中多痰結於喉間。與氣相繫。隨其吸呼。呀呷有聲。故名呷嗽。宜調順肺經。仍加消痰破飲之劑。

次男元犀按痰飲咳嗽喘證俱宜參看。

射干丸

方見妙用

治久呷嗽喉中作聲發即偃卧不得。

杏仁丸

聖濟

治呷嗽有聲

杏仁

去皮夫炒

甘艸

炙各一兩

大黃

蒸

牙硝

熬各五錢

共為末煉蜜丸如桐子大空心薑湯送下二

十九

紫苑杏仁煎

皇濟

治肺臟氣積呷嗽不止因肺虛損致勞疾相侵或胃冷膈上熱者。

紫苑

酥各二兩

貝母

薑汁

各三兩

大棗

去皮核半斤

五味

人參

茯苓

甘艸

桔梗

地骨皮

洗各一兩

白蜜

斤一

主地汁

六兩

共末與蜜生地汁同煎器盛三五次成飴煎

仰卧含化一匙日二服

驚悸

有所觸而動曰驚。無所觸而動曰悸。凡怔忡

惕皆其類也。高鼓峯曰：此心血少也。起於腎水

不足，不能上升，以致心火不能下降。大劑歸脾

湯去木香，加麥冬、五味、枸杞，吞都氣丸。楊乘六云治怔

忡大法無如怔忡而實，挾包絡一種有餘之火

兼痰者，則加生地、川貝、母、黃連之類以清之。

胡念齋曰：雖緣心血不足，然亦有胃絡不能上

通者有脾脉不能入心者有宗氣虛而虛里穴
動者有水氣凌心者有奔豚上乘者治法不甚
相遠惟水氣與奔豚當另法治之。

長孫男心典按水氣凌心輕則用小半夏加
茯苓湯以泄之重則用茯苓甘艸湯安之再
重則用真武湯鎮之奔豚用桂枝湯加桂主
之或以茯苓桂枝甘艸大棗湯主之。

脉息

不論浮沉遲數虛實大小最忌促結代散

方藥

桂枝加桂湯

茯苓桂枝甘草大棗湯

王晉三曰腎氣奔豚治宜泄之制之茯苓桂枝通陽滲泄保心氣以禦水凌甘草大棗補土以制水泛甘瀾水緩中而不留入腎而不着不助水邪則奔豚臍悸之勢緩是湯即茯苓

苓甘艸湯惡生薑性升而去之其義深切矣

小半夏加茯苓湯 方見金匱

真武湯 方各見傷寒

都氣丸

即六味丸加五味子一兩 見寔在易

歸脾加梔子丹皮湯 方見時方

即歸脾湯加山梔丹皮各一錢

血症

朱丹溪云、血隨火而升降、凡治血症以治火為
究然實火虛火燈燭之火龍雷之火不可不辯
何謂實火外受風寒鬱而不解醞釀成熱以致
大吐大衄脈浮而洪或帶緊宜用蘇子降氣湯
加荆芥茜草根降真香玉竹之類以解散之如
風寒鬱而不解以成內熱或陽藏之人素有內
火及酒客蘊熱大吐大衄脈洪而寔或沉而有

九宜犀角地黄湯黃連解毒湯以涼瀉之。四生
 九雖是止血通套藥然止血之中兼有去瘀生
 新之妙所以可用今人於此症不敢用大苦大
 寒之品而只以止血套藥如異梳子白芨末百
 草霜三才湯加藕節之類似若小心其寔姑息
 容奸釀成大禍。止血而不去瘀則瘀血停滯而為發熱咳嗽皮肉甲錯成乾血
勞症仲景所以有麝香蓋此症火勢燎原車薪
水蛭蟲更大大黃之治法
 之火非一杯之水所可救。芩連梔柏及大黃之

類補偏救弊。正在此時。俟火勢一平。即以乎補
溫補之藥維之。所謂有膽由於有識也。凡此之
類。俱宜釜下抽薪。而釜中之水。無沸騰之患矣。
四生丸

蘇子降氣湯

何謂虛火。勞役饑飽過度。東垣謂之內傷。以補
中益氣湯主之。思慮傷脾。倦怠少食。肌肉瘦削。
怔忡不寐。薛立齋以歸脾湯主之。東垣云。火與

元氣不兩立。元氣進一分。則火退一分。所謂參
芪甘艸為瀉火之良藥是也。此症吐血咳血必
積漸而來。以至盈盆盈斗。脈必洪大而重。按指
下全空。必以前湯及當歸補血湯。峻補其虛。虛
回而血始止。况血脫益氣。古訓昭然。脫血至盈
盆盈斗。若用柔潤之藥。凝滯經絡。鮮克有濟。必
以氣分大補之品。始可引其歸經。此余屢試屢
驗之法也。又有脈細小而手足寒冷。腹痛便滑。

此虛寒之症仁齋直指所謂陽虛陰必走是也
以理中湯加木香當歸主之若泥於諸血屬火
之說而用涼血止血套藥止而復來必致不起
可不慎哉。

補中益氣湯

歸脾湯

次男元犀按白芍易木香。是高鼓峯法從建
中湯得來妙不可言。

或加五味五分麥冬二錢血不止加梔子

艸各一錢

當歸補血湯

已上三方宜因症加減

如血不止外以白芨三錢藕節三錢研末以

藥汁送下三錢即止蓋凡藥必由胃而傳化

諸經而此散能直入肺竅而止血也或另用

童便送下四錢亦妙

何謂燈燭之火。人身陰陽曰水曰火。水火之宅俱在兩腎之中。如先天不足。腎水素虛。又煎色慾過度。以竭其精。水衰則火亢。必為咳嗽吐血。咳血等症。其脉浮虛而數。或瀆而芤。外症乾咳。骨蒸。口舌生瘡。小便赤短。如燈燭之火。油盡而自焚。治之之法。忌用辛熱。固不待言。即苦寒之品。亦須切戒。蓋以腎居至陰之地。若用寒涼。則孤陰不生。而過苦之味。久而化火。俱非陰虛症。

所宜也。須用甘潤至靜之品補陰配陽。趙養葵

云燈燭之火。雜一滴水則滅。

指苦寒之物

唯以六味

丸養之。以膏油。余每於水虛火亢之重症用大

補陰丸。多收奇效。

大補陰丸

方各見時方

此方滋陰降火能治六味丸所不能治之症

勿以知柏之苦寒而疑之也。余向亦不能無

疑。後讀名醫方論。極有發揮。遂信用之。

何謂龍雷之火。腎中相火不安其位。以致煩熱不寧。舌燥口渴。為吐血。咳血。衄血等症。其脈兩寸洪大。過於兩關。兩關洪大。過於兩尺。浮按洪大。重按濡弱。如無。宜用景岳鎮陰煎。馮氏全真一氣湯。七味丸。八味丸。主之。蓋龍雷之火。得兩而愈熾。惟桂附辛熱之藥。可以引之歸原。所謂同氣相求是也。

鎮陰煎

景岳

治陰虛於下格陽於上則真陽失守血隨而溢以致大吐大衄六脉細脫手足厥冷危在頃刻

熟地

一兩二

牛膝

澤瀉

各二錢

附子

肉桂

炙艸

各錢

水煎温服

如熱甚喉痺以水浸冷服

此方使孤陽有歸則血自安

八味丸 方見時方

去附子名七味丸

全真一氣湯 馮氏

滋陰降火之神方

熟地 一兩

冬白朮 人乳拌蒸晒二三錢

麥冬 三錢

附子 錢 牛膝 二錢

五味 八分

人參 二三錢或七錢 用開水另炖調入

水煎服

亥血唾血吐血方書分別肺胃等症何庸陋之
甚也。凡吐血衄血下血一切血症俱不必瑣分。
唯認其大綱則操縱自如。

下血之方甚多。火盛者以苦參子九粒或十四
粒去殼取仁勿破。以龍眼肉包好。開水送下。甚
效。又於血症諸方中擇其應用者。再加槐花地
榆各三錢。黃芩一錢為使。

下血症屬火固多。而虛寒亦復不少。宜以景岳

壽脾煎或聖術煎。加黑薑服之。又常服黑地黃丸甚妙。

仲景以先便後血為遠血。用黃土湯先血後便為近血。用赤小豆當歸散神驗。

黃土湯

治下血並治吐血衄血如神

赤小豆散

方各見金匱

治下血先血後便為近血

又婦人血崩方不外惜紅煎加減如未效即宜
大温大補。黃芪白朮可用二三兩。附子可用至
三五錢方效。惜紅煎見婦人門
又男婦尿血。不痛為尿血痛為血淋以六味湯加血餘灰
一兩煎好入生藕杵汁服亦有氣虛者當歸補
血湯為主。挾熱者加竹葉梔子主之。挾寒者加
附子主之。

脉息

失與脉芤。

或兼瀆象。

轉緊轉危。

漸緩漸愈。

虛微細小。

元氣不支。

數夫浮洪。

真陰不足。

雙弦緊疾。

死期可決。

喻嘉言龍雷之火論。

龍雷之火。潛伏陰中。方其未動。不知其為火也。及其一發。暴不可禦。以故載血而上溢。蓋龍雷之性。必陰雲四合。然後遂其升騰之勢。若天青

月朗則退藏不動矣。故凡涼血清火之藥，皆以水制火之常法。施之於陰火，未有不轉助其燿者也。吾為大開其扃，則以建脾中之陽氣為一義。健脾之陽，一舉有三善也。一者脾中之陽氣旺，如天清日朗而龍雷潛伏也。一者脾中之陽氣旺，而胸中窒塞之陰氣，則如大空不留纖翳也。一者脾中之陽氣旺，而飲食運化精微復生，其已竭之血也。况乎地氣必先蒸土為濕，然後

上升為雲。若土燥而不濕。地氣於中隔絕。升天
氣不常清平。古方治龍雷之火。每用桂附引大
歸元之法。然施之於暴血之症。可暫不可常。蓋
已虧之血。不能制其悍。而未生之血。恐不可滋
之。擾耳。究而論之。龍雷之火。全以收藏為主。以
秋冬則龍潛雷伏也。用收藏藥不效。畧用燥烈
為鄉導。以示同氣相求之義。則可。既已收藏。豈
敢漫用燥烈乎。夫大病須用大藥。大藥者。天地

春夏而吾心寂然。秋冬是也。昔人逃禪二字甚妙。夫禪而名之曰逃。其心境為何知哉。學者若此症。必以崇土為先。土厚則濁陰不升。而血患自息。萬物以土為根。元氣以土為宅。不可不亟講矣。

葶薺酒飲

治大便下血

葶薺搗汁半鐘。將好酒半鐘。沖入空心溫服。

將二味搗爛用白糯米拌和裝入猪臟內兩頭紮住砂鍋內炖爛忌見鉄器然後將人中白炙脆研末蘸吃用醬油蘸吃亦可不論吃粥吃飯空心皆可吃吃四五條即愈

甘草青鹽丸

治大便下血

甘州

斤一

青鹽

兩四

將甘州研細末用滾水沖入青鹽將青鹽水

煉甘艸末為丸如桐子大早晚服之無不見效

甘草乾薑湯

理中湯

方各見傷寒

加木香當歸各等分

瀉白散

方見時方



醫學從衆卷三

閩吳航陳念祖修園甫著

次男元犀靈石叅訂

孫男

心典徽菴

心蘭芝亭

全校字

遺精

夢而遺者相火之強也宜用龍膽瀉肝湯送下
五倍子九二錢。經云厥氣客於陰器則夢接內。

蓋肝主疎泄。相火鼓之。則腎雖有閉藏之權。亦拱手授之矣。不夢而遺者。心腎之虛也。以六味丸為主。煎補中益氣湯送下。以升提之。或用心過度。心不能主。令而相火用事者。亦前丸為主。而兼用歸脾湯。有命門火衰。元精脫陷。玉關不閉者。急用八味丸。以壯陽氣。使之涵乎陰精。而不洩。此趙氏之法。本其師薛氏實中庸之道也。至於景岳秘元煎。固陰煎。苓朮兔絲煎。皆見症。

治症之方。閩中多有此陋習。較為便易。

張景岳云。精之藏制。雖在腎。而精之主宰。則在心。凡少年多慾之人。或心有妄想。外有妄遇。以致君火搖於上。相火熾於下。則水不藏而精隨以洩。

診法

訣云遺精白濁

當驗之尺

結花動緊

二

症之的

正傳云兩尺洪數必便濁遺精

龍膽瀉肝湯

方見時方

治脇痛口苦耳聾筋痠陰濕熱癢陰腫白濁
瘦血

今借治夢泄以肝實而火盛也。大苦大寒不
宜常服。加味道遙散可以代之。

五倍子丸

治遺精甚效

五倍子

青鹽煮晒焙

茯苓

各二兩

蜜丸桐子大每服二錢日二服空心鹽湯送下或以藥汁送下

又按有夢而泄者於補腎攝精方加蓮子心一錢生棗仁二錢所以治其妄夢也多效又多夢者神之亂也龍為天地之神故龍骨最能補神而治妄夢合之牡蠣之鹹寒便能引火歸原金匱桂枝龍骨牡蠣湯最為神妙

蓮鬚為標藥中之神品

桂枝龍骨牡蠣湯

方見金匱

治男子失精女人夢交

夢交夢與男交合也

按虛羸浮熱汗出者除桂加白微一錢附子

五分名曰二加龍骨湯

方見時方

秘元煎

景岳

主治心脾

遠志

八分

山藥

芡實

棗仁炒各二錢

白朮炒

茯苓各一分

炙艸一錢

人參一二錢

五味十四粒

金櫻子去核二錢

水煎服

有火覺熱者加苦參一二錢

氣大虛者加黃芪二三錢

固陰煎

主治肝腎

人參隨宜

熟地三五錢

山茱萸一錢五分

遠志七分

山藥炒一錢

鬼絲子炒香三錢

五味十四粒

炙艸一二錢

水煎服

或加金櫻子三錢

苓朮兔絲子煎

主治脾腎

茯苓

白米米泔洗炒

蓮子肉各四兩

五味

酒蒸

山藥

炒另研
谷二兩

杜仲

酒炒
三兩

炙艸

錢五

兔絲子

製十兩

共研細末用陳酒糊丸桐子大空心滾湯下

百餘丸

氣虛不攝精加人參四兩

張石頑曰夢遺為肝熱膽寒以肝熱則火淫於

外魂不內守故多淫夢失精或時心悸肥人多

此宜清肝不必補腎温膽湯加人參茯苓棗仁

蓮肉

又曰夢遺多是陰虛火氣用事苟非確係陽虛桂附鹿茸等助陽之藥慎勿輕用非確係氣虛參朮遠志輩益氣之藥不可漫施試觀夢遺必在黎明陽氣發動之時其為陰虛陽擾可知矣沈芊綠云心藏神肝藏魂腎藏精夢中所主之心即心之神也夢中所見之形即肝之魂也夢中所洩之精即腎之精也要之心為君肝腎為

相未有君火動而相火不隨之者。當先治其心火而後及其餘。宜黃連清心飲。茯苓湯加減。

黃連

生地

甘州

當歸

人參

茯神

棗仁

遠志

蓮子各等分

水煎服

茯神湯

茯神

遠志

菖蒲

茯苓

黃連

生地

當歸

甘州

蓮子

棗仁

人參

隨時
加減

水煎服

文蛤津臍膏

治遺精

文蛤

研細
末

用以女兒津調貼臍內立止

思仙丹

各見種福堂

治陰虛火動夢遺神方

蓮鬚

石蓮肉

去肉青翳并外皮

芡實

各十兩去壳

右為末、再以金櫻子三觔去毛子水淘淨、入大鍋內水煎、濾過再煎、如飴糖和勻前藥丸、如桐子、每服七八十九

封髓丹

治遺精

砂仁

一兩

黃蘗

三兩

甘州
錢炙七

右末煉蜜丸

四君子湯

方見時方

原方加龍骨牡蠣蓮鬚

溫膽湯

即二陳湯

加竹茹三錢枳實八分

赤白濁

濁者渾濁之謂也。方書父責之腎。而余獨求之脾。蓋以脾主土。土病濕熱下注。則為濁病。濕勝於熱。則為白。熱勝於濕。則為赤。治之之法。不外導其濕熱。濕熱去而濁自清矣。蒼白二陳湯加黃柏石菖蒲草薺主之。久患不愈。宜求之腎。以二妙地黄丸與草薺分清飲間服。又內經云中氣虛而溺為之。變宜四君子湯補中益氣湯加

減主之。又有命門火衰氣不攝精。致敗精為濁。宜以八味溫其命火。加兔絲子、車前子導其敗精。總之濁出精竅與淋出溺竅者不同。病之稍久宜固腎。不宜利水。此要旨也。
茯苓丸、水陸二仙丹之類皆固

腎藥

蒼白二陳湯

蒼朮 鹽水炒

白朮

茯苓

半夏 各二錢

陳皮

甘州

黃柏錢各

草薺錢三

石菖蒲分八

水煎空心服

如赤濁加連翹一錢五分、丹參二錢、蓮子心

五分、

如脉弦脇痛為肝火、加龍膽艸、梔子各一錢、

如口渴、氣喘、脉濡、是為肺火、加麥冬三錢、桑

白皮、紫苑各二錢五分、

如咽痛、脉沉為腎火、加元參三錢、

次男元犀按比方妙在半夏升清降濁熟讀

本草經者自知

二妙地黃丸

馮氏錦囊

熟地

四兩

山萸

蒼朮

鹽水炒

山藥

各二兩

茯苓

丹皮

澤瀉

黃柏

秋石水浸炒
各一兩五錢

蜜丸桐子大每服三五錢日二服鹽湯下

或加牡蠣二兩益智仁一兩兔絲子一兩車

前子七錢

草薺分清飲

方見時方

治真元不固赤白濁

將軍蛋方

治白濁兼治夢遺

生大黃

三分研末

生鷄子

將鷄子頂尖上敲破一孔入大黃末在內紙

糊炊熟空心吃之四五朝即愈

龍牡兔韭丸

治色慾過度赤濁、白濁、小水長而不痛、并治
婦人虛寒、淋帶崩漏等症

生龍骨

飛水

牡蠣

飛水

生兔絲粉

生茈子粉

右四味各等分、不見火、研細末、乾麵冷水調
漿為丸、每服一錢、或至三錢、晚上陳酒送下

清晨服亦可

蠶砂黃柏湯

治遺精白濁有濕熱者

生蠶砂

兩一

生黃柏

錢一

二味共研末空心開水下三錢六七服即愈

白菓蚕方

治白濁

用頭生鷄子一個開一小孔入生白菓肉二枚飯上蒸熟每日吃一個連吃四五次即愈

龍骨韭子湯

治遺精滑失

白龍骨

一兩
研末

韭子

炒一
合

右為末空心陳酒調服三錢

小兒絲石蓮丸

治女癆夜及遺精白濁崩中帶下諸證

兔絲子

五兩
酒浸研

石蓮肉

二兩

白茯苓

一兩
蒸

右為細末山藥糊為丸桐子大每服五十九

加至一百丸或酒或鹽湯空心送下如脚無
力木瓜湯下晚食前再服

龍蓮芡實丸

各見種
福堂

治精氣虛滑遺不禁

龍骨

蓮鬚

芡實

烏梅肉

各等分為末用山藥丸如小荳大每服三十
丸空心米飲下

木刻下

本草云木刻下... 山藥水... 大... 三十

新林

筋骨

重浸

火實

山林... 不... 禁

木... 不... 命... 再... 期

... 至... 一... 百... 次... 水... 浸... 透... 空... 心... 地... 不... 以... 神... 驗

癃閉五淋

癃閉者小便點滴不通甚而為脹為腫喘滿欲死五淋者小便痛澁淋瀝欲去不去欲止不止有沙膏氣血勞五種之分

癃閉用利水之藥人所知也若愈利而愈閉脹悶欲死宜治其本經云膀胱者州都之官津液藏焉氣化則能出矣今小便點滴不能出病在氣化可知桂性直走太陽而化氣此症寔不可

缺陰虛不化。熱逼膀胱。小腹脹痛。尺脉旺。宜服
滋腎丸。主之。陽虛不化。寒結膀胱。小腹不痛。尺
脉弱。宜加減腎氣丸。主之。然猶恐未能即效。又
有巧法。以施譬之。滴水之器。閉其上。而倒懸之。
點滴不能下也。去其上之閉。而水自通流。宜以
補中益氣湯提之。即以此藥再煮服盡。以手探
吐。頃刻即通。而更有啟其外竅。即所以開其內
竅之法。麻黃力猛。能通陽氣於至陰之下。肺主

皮毛配杏仁以降氣肺氣下達州都導水必自

高原之義也。以八正散加此二味。其應如響。如

夏月不敢用麻黃。恐陽脫而汗漏不止。以蘇葉

防風杏仁三味等分。水煎溫服。覆取微汗。而水

即利矣。此張隱菴治虛者以人參麻黃各一兩

煎服神效。此盧晉如汗多不任再散者。即以紫

苑桑白皮各三錢。麥冬五錢。加於利水藥中。或

加於升提藥中亦效。此李士皆下病上取之法

材驗案

也 治水腫者可遵此法以治其標即以六君子湯去甘州加蒼水厚朴炮薑附子以扶脾氣

以復元氣

淋症有五方治甚多而總不外於蘊熱統以景岳大分清飲主之

石淋下如沙石合益元散更加琥珀或石首

魚頭內石子五六個研末調下

膏淋下如膏脂加草薢海蛤粉各二錢石菖

痛八分

氣淋、氣滯不通、臍下妨悶、脹痛、加荆芥二錢、
香附、生麥芽各一錢、不愈、再加升麻、或用吐
法、

血淋、瘀血停蓄莖中、割痛難忍、加牛膝、生地、
當歸、桃仁各三錢、紅花、川芎各一錢、不愈、另
用牛膝膏、

勞淋、從勞役而得、氣化不及、州都、本方合補
中益氣湯同煎服、

已上五淋俱屬蘊熱所致。又有一種名曰冷淋。四肢口鼻冷喜飲熱湯。以加味腎氣湯主之。更有過服金石熱藥。敗精為淋。與老人陽已痿。而思色以降其精。則精不出。而內敗。以致大小便牽痛如淋。愈痛則愈便。愈便則愈痛。宜前飲加萆薢、兔絲子、石菖蒲、遠志以導之。後服六味丸。

肱息

與遺精白濁同

此症不效。問脈。脈沉。衣二。此

宜浮大

忌沉細

方藥

滋腎丸

治小便點滴不通及治衝脉上逆喘呃等證

補中益氣湯

各見時方

治一切氣虛下陷

加味腎氣丸

兒水腫

大分清飲 景岳

茯苓

澤瀉

木通

各三錢

猪苓

梔子 或一

枳殼

車前子

各一錢

或加甘艸梢一錢

八正散

寶鑑

治諸淋

瞿麥

梔子

扁豆

大黃

滑石

木通

車前子

甘州

錢各一

加燈心一錢水煎服

牛膝膏

治死血作淋

桃仁

去皮

歸尾

錢各一

牛膝

四兩酒浸一宿

白芍

生地

各一兩五錢

水十鍾微火煎至二碗入麝香少許四次空

心服如夏月用涼水浸換此膏不壞

附用諸方

括樓瞿麥丸

方見金匱

小便不利者有水氣其人苦渴此主之

胞轉方

治丈夫女人胞轉不得小便八九日者

滑石

斤一

寒水石

研一兩

葵子

斤一

以水一斗煮五升服盡即利

治石淋方

車前子升二

絹袋以水八升煮取三升空心頓服之須臾

當下石子宿勿食服之良

古之一升今約畧小茶鍾一鍾古之

一兩約畧三錢

治熱淋方

各見于金翼

白茅根

四斤洗淨

水一斗五升煮取五升每服一升日三夜二

治血淋方

生苧根

洗去皮
五兩

水六杯煎三杯每服一杯一日三服

治血淋方

天青地白艸

五錢

水二杯煎八分空心服一日兩服

田螺青藍膏

治中暑大小便不通

用田螺三枚搗爛入青塩三攤成膏貼在臍下

一寸即愈

獨蒜梔子貼臍膏各見種福堂

治小便不通

獨囊大蒜一個梔子二十個塩一匙

共搗敷臍中良久即通若不通敷陰囊上即

愈

五淋湯

龍膽瀉肝湯

各見時方

治脇痛、口苦、耳聾、筋痿、陰濕、熱癢、陰腫、白濁、
渡血

用田... 三... 射... 入... 青... 益... 藥... 為... 滑... 胡... 五... 烈...

心痛

心痛即胃脘痛也。心為君主之官，本不受邪。若受邪而痛，是真心痛。手足青至節，朝作夕死，痛有九種，宜細辨而藥之。

氣痛脉沉而濇，諸氣鬱滯及七情過用所致，宜二陳湯加沉香、烏藥、百合主之。
加味二陳湯

半夏

烏藥

茯苓

各二錢

炙艸

七分

陳皮

一錢

沉香

五分

百合

五錢或
一兩

生薑

三片

水煎服

百合合衆瓣而成。有百脉一宗之象。其色白而入肺。肺主氣。肺氣降則諸氣俱調。此醫書所不載。余得之海外奇人。屢試屢效。或無沉香。即用紫蘇葉一錢代之。血痛脉浮沉俱濇。其痛如刺。不可按捫。或寒熱。

往來大便黑宜失笑散主之

失笑散

研末醋湯送下、挾熱者加梔子三錢、高良薑

一錢煎湯送下、寒者以肉桂一錢煎湯送下

痰痛即飲痛脉滑咳嗽其痛游走無定宜二陳

湯加乾薤白五錢、瓜蒌皮二錢主之

火痛脉數而實口渴面赤身熱便秘其痛或作

或止宜金鈴子散主之、如火盛者用梔子二錢

川棟子去核黃連良薑澤瀉丹參各一錢香附

一錢五分水煎服

金鈴子散

各見時方

冷痛脉遲而微細手足俱冷其痛綿綿不休喜

用熱手按者宜桂附理中湯加當歸二錢以濟

其剛本通一錢以通其絡

痛久則入絡也

虛痛即悸痛脉浮而小細或沉而短濇其痛重

輕相間多日不愈心悸最喜摩按得食小愈飢

則更痛宜歸脾湯加石菖蒲一錢木香五分主之。

注痛入山林古廟古墓及感一切異氣而痛其人語言錯亂其脉乍大乍小左右手若出兩人宜平胃散加藿香二錢入些少麝香服之。

蟲痛脉如平人其痛忽來忽止聞肥甘之味更

痛。聞食而由按摩稍止。由驚而唇紅舌上有白

頭上昂也

暫伏也

花點年力壯者以景岳掃虫煎主之。虛弱者以

普濟方卷之三

理中湯去甘州加烏梅二枚川椒一錢五分吳
茱萸黃連肉桂各一錢當歸二錢主之
食痛食積停滯。愛腐吞酸。惡食腹滿。其痛或有
一條扛起者。脉寔而滑。右關更寔。宜平胃散。加
山查麥芽半夏各二錢。脹甚者。更加萊菔子生
研一錢。水煎服。如初病。食尚在胃。服此湯。即以
手探吐之。

又簡易方

荔香散

治心痛甚效婦人尤效服數次可以除根

荔支核

一兩二錢炒

木香

七錢不見火

共研末米湯或開水或酒下二錢

皂角散

治胃脘劇痛百藥不效服此即止

牙皂

去子弦炒紫焦研末

每服一錢燒酒送下此可偶服不可常服

遊山方

治胃脘痛多效

草果

元胡索

五靈脂

醋炒

沒藥

炒各二錢

共研末酒調下二三錢

掃虫煎

景岳

治虫上攻胸腹作痛

青皮

吳萸

茴香

各一錢

檳榔

烏藥 各一分 細榧肉 三錢

烏梅 二枚

甘州 八分

硃砂

硃黃 各五分

水煎入硃黃硃砂末調服

先啖肉脯少頃服藥

靈脂厚朴散

怡心頭痛欲死不可忍者

靈睛

良薑

厚朴薑汁炒

右各等分為細末每服一錢醋湯下即止

黑棗胡椒散

各見種福堂

治心口胃脘痛

用大黑棗去核每個中間入胡椒七粒仍將棗包好炭火上煨焦黑存性研末每服四分陳酒送下三四服必愈加木香枳殼紅花當歸五靈脂少許更妙

黑棗丁香湯

種福堂

治胃寒嘔吐并治寒癰

大黑棗七枚去核每個內入丁香一粒煮爛
去丁香將棗連湯空心服七服見效

山共白寒

...

腹中上下諸痛

腹中上下諸痛。寒熱虛實皆能致之。溫清消補及發表攻裏諸法。皆所以止痛。故止痛無定方也。今因醫學真傳部位分析清楚。亦是認證之捷徑。故全錄之。噫。金匱諸法。何等精詳。十載研窮。致譏迂濶。今亦窮而知返也。然古聖賢章程。終不敢廢。編中所錄。雖曰從時。亦從純而不從。拜乎上之道也。

心痛

心為君主而藏神不可以痛今云心痛乃心包

之絡不能旁通於脉故也全錄高士宗此論存

之以備參者。福堂良方有丹。參一兩檀香砂仁各二錢煎服。

心脉之上則為胸膈胸膈痛乃上焦失職不能

如霧靄之溉則胸痺而痛薤白、葶仁、貝母、豆蔻

之藥可以開胸痺以止痛。

兩乳之間則為膺胸膺胸痛者乃肝血內虛氣

不充於期門致衝任之血不能從膺胸而散則
痛當歸白芍紅花銀花續斷木香之藥可和氣
血而止痛。

有中腕作痛手不可近者夫手不可近乃內外
不和外則寒氣凝於皮毛內則垢濁停於中腕
當審其體之虛實而施治莫若以燈艸當痛處
爆十餘點則寒結去而內外通便不痛矣
有中腕之下當陽明胃土之間時痛時止者乃

甲土虛而胃氣不和。若行血消洩之劑。服之過多。便宜溫補。但以手重按之。則痛稍平。此中土內虛。虛而且寒之明驗也。
宜香砂
理中湯

乳下兩旁。胸骨盡處痛者。乃上下陰陽不和。

陽樞轉不利也。傷寒病中。每多此痛。當助其樞

轉。和其氣血。上下通調。則愈矣。
宜小柴胡
湯加味

大腹痛者。乃太陰脾土之部。痛在內而緩。坤土

虛寒也。痛兼兩外而急。脾絡不通也。蓋脾之大

絡名曰大包。從經隧而外出於絡脉。今脾絡滯而不行。則內外皆痛。太陽篇云。傷寒陽脉濇。陰脉弦。法當腹中急痛。先與小建中湯。不差者。與小柴胡湯。此先補益於內。而後樞轉於外也。臍旁左右痛者。乃衝脉病。衝脉當臍。左右若為寒氣所凝。其衝脉之血不能上行外達。則當臍左右而痛。當用血分之藥。使胞中之血通達肌表。若用氣藥無裨也。

當歸四逆湯加吳茱萸生薑

臍下痛者。乃少陰水藏。太陽水府。不得陽熱之
氣以施化。致陰寒凝結而痛。少陰虛寒當用附
子肉桂。以溫之。太陽水府虛寒亦當用附子桂
枝以溫之。蓋太陽與少陰相為表裏。互為中見
者也。亦有火逼膀胱
不通而痛者

小腹兩旁謂之少腹。少腹痛者。乃厥陰肝藏之
部。又為胞中之血海。蓋胞中之水主於少陰。而
胞中之血主於厥陰也。痛者。厥陰肝氣不合胞

中之血。而上行也。肝臟不虛者。當疏通以使之
上。肝臟虛者。當補益以助其下。蓋厥陰不從標
本。從中見少陽之氣。使厥陰上合乎少陽。則不
痛矣。

兩旁季脇痛者。肝氣虛也。宜煖兩脇之上痛者

少陽之氣不和也。宜小柴胡去參棗加牡蠣青
皮之類。景岳云腎虛。羸弱之

人多胸脇間隱隱作痛。此肝腎精虛不能化氣
氣虛不能生血而然。凡人之氣血。猶源泉也。盛
則疏通。少則壅滯。使不知培補氣血。但以
行滯通經。則愈行愈虛。鮮不殆矣。血聖夫

又高士宗云所痛之部有氣血陰陽之不同。若概以行氣消導為治。漫云通則不痛。夫通則不痛。理也。但通之之法。各有不同。調氣以和血。調血以和氣。通也。下逆者使之上行。中結者使之旁達。亦通也。虛者助之。使通。寒者溫之。使通。無非通之之法也。若必以下洩為通。則差矣。

附錄備用方

飛樓薤白酒湯

方見金匱

胸痺喘息欬唾胸背痛短氣寸脉沉而遲關

上小脘曰

方中加半夏二錢名括樓薤白半夏湯治胸痺

不得卧心痛徹背

小建中湯

大建中湯

名見傷寒

治心胸大寒痛嘔不能飲食腹中寒上衝皮起出見有頭足上下痛不可觸近

長孫心典按上中二焦為寒邪所痺故以參
 薑啓上焦之陽合飴糖以建立中氣而又以
 椒性下行降逆上之氣復下焦之陽為溫補
 主方。

附子粳米湯

腹中寒氣雷鳴切痛胸脇逆滿嘔吐
 徐忠可曰此方妙在粳米鳴而且痛腹中有
 寒氣也乃滿不在腹而在胸脇是邪高痛下

寒邪實從下而上。所謂腎虛則寒動於中也。故兼嘔逆而不發熱。以附子溫腎散寒。半夏去嘔逆。只用粳水合甘棗調胃。建立中氣。不用木。恐壅氣也。

大黃附子湯

脇下偏痛發熱

錢氏使云偏當作滿

其脈緊弦。此寒也。

按痛而滿。滿連脇下。而六脈弦緊。非附子不能溫其寒。非大黃不能攻其實。非細辛不能

散其結聚三藥實並行不倍也

厚朴三物湯

痛而閉者此湯主之

當歸生薑羊肉湯

各見金匱

寒疝、腹中痛及脇痛裏急者亦治產後腹中
疝痛

寒多者加生薑

二兩五錢

痛多而嘔者加陳皮五錢

白朮二錢五分

煖肝煎 景岳

治肝腎虛寒小腹疼痛疝氣等症

當歸 二錢

枸杞 三錢

茯苓

烏藥

小茴 各二錢

肉桂 一二錢

沉香

一錢或木香亦可

生薑

三五片

水煎服

按此方加防風細辛桃仁山萸肉治肝虛脇痛有奇效

枳芎散

治左脇刺痛

枳實

川芎

各五錢

為末每服三錢薑湯下

推氣散

治右脇疼痛脹滿不食

薑黃

枳殼

炒麵

桂心

各五錢

炙甘州

二錢

炙甘州

二錢

為末每服三錢薑湯下

皇朝通志卷三

嘔吐噦

吐者有物無聲噦若有聲無物嘔者聲物俱出。總屬於胃。時醫以二陳湯加藿香砂仁統治之。雖是庸淺活套尚不碍理。余亦從之。但當分別寒熱虛實表裏而加減耳。寒者口和身冷或兼腹痛脉必遲細。吐出如多有冷氣宜再加吳萸乾薑丁香之類。熱者或為熱渴或為煩燥脉必洪數吐必湧猛。形氣聲色必皆壯厲。宜再加黃

苓黃連麥冬沙參竹茹之類實者或因食滯必
多脹滿宜再加厚朴山查麥芽神糶之類或因
氣逆必痛連脇筋宜再加撫芎香附紫蘇連翹
之類或另用左金丸逍遙散之類表者邪自外
至必頭痛發熱宜倍用生薑裏者邪不在表兼
心下痞者宜二陳湯加黃芩黃連乾薑人參大
棗做半夏瀉心湯之意燕見腹滿便鞭者二陳
湯加厚朴大黃做承氣湯之意若在半表半裏

必見口苦寒熱往來。宜另用小柴胡湯治之。虛者胃氣虛也。或命門火氣虛也。宜二陳湯加香砂外重用人參白朮以補胃氣。不愈更加乾薑附子吳萸以溫補命門。或以八味九湯直補命門真火。隨宜變通。景岳云無實無大而嘔吐者胃虛也。或誤服寒涼而嘔吐者胃虛也。食無所停聞食則嘔者胃虛也。氣無所逆聞氣則嘔者胃虛也。或食入中焦而不化者胃虛也。食入下

焦而不化者。命門虛也。然胃本屬土。非火不生。非煖不化。是土寒即土虛也。土虛即火虛也。脾喜煖而惡寒。土喜燥而惡濕。故張石頑治虛寒嘔吐。每用伏龍肝兩許。煮湯澄清。代水煎藥。可謂得治吐之大要矣。治泄瀉亦不外此理。而吐呃亦屬胃虛。宜於六君子湯去甘艸。加黃連乾薑蜀椒之類。

次男元犀按。仲景旋覆代赭石湯。本以治心

下痞噫氣不除。今於嘔吐不止之症。借用甚效者。取其重以降逆也。乾薑黃連黃芩人參湯。本以治寒邪隔熱於上焦。今於食入即吐之症。取用甚效者。以乾薑散上焦之寒。芩連清心下之熱。人參通格逆之氣。而調其寒熱。以至和平。不用生薑半夏者。胃氣虛不堪辛散。不用甘草大棗者。嘔不宜甘也。又吳茱萸湯治陽明食穀欲嘔。又治少陰病吐利手足

醫學從考 卷三 三

逆冷。煩躁欲死。又治乾嘔吐。涎沫。頭痛三症。如神。蓋取吳茱萸大熱直入厥陰。能降氣而消陰翳。人參扶其生氣。薑棗和其胃氣。使震坤合德。土木不害。而嘔吐平矣。

噦者胃中虛冷。及停飲居多。亦有失於攻下。胃中實熱而噦者。證必腹滿。仲景云噦而腹滿。視其前後。知何部不利。利之則愈。承氣湯。猪苓湯是也。

噦逆有虛熱。桔皮竹茹湯。噦屬虛寒。桔皮乾薑湯。寒甚去通草。加丁香。附子。寒熱錯雜者。去甘艸。加丁香柿蒂。

噦聲頻密。相連為實。以熱為主。若半時噦一聲者為虛。溫補為主。如腹滿不尿。脉散。頭汗。目瞪而噦者。死在旦夕。

診法

上部有脉。下部無脉。其人當吐。不吐者死。脉陽

緊陰數為吐。陽浮而數亦吐。寸緊尺濇胸滿而吐。寸口脈數者吐。緊而濇者難治。緊而滑者吐。逆脈弱而嘔。小便復利。身有微熱。見厥者難治。病人欲嘔吐者不可下之。嘔吐大痛。吐出色如青菜色者危。

旋覆代赭石湯

方見傷寒

治胃虛噫氣不除

進退黃連湯

見實
在易

黃連

薑汁炒

乾薑

炮

人參

人乳拌蒸

半夏

薑製各一錢五分

桂枝

三錢

大棗

二枚

進法用本方上三味俱不製水三茶杯煎一杯
溫服退法不用桂枝黃連減半或加肉桂五
分如上逐味製熟煎服法同但空朝服崔氏
八味丸三錢半飢服煎劑耳

吳茱萸湯

治胃氣虛寒、乾嘔、吐涎沫、頭痛

乾薑黃連黃芩人參湯

各見傷寒

柯韻伯云凡嘔家夾熱不利於香砂橘半者服此方而晏如

長孫男心典按食人即吐不使少留乃火炎之象故苦寒倍於辛熱不名瀉心者以瀉心湯專為痞鞭立法耳要知寒熱相結於心下而成痞鞭寒熱相阻於心下而成格逆源同而流異也

乾薑

黃連

黃芩

人參各一錢五分

水煎溫服

橘皮竹茹湯

治胃虛噦逆

中焦氣虛。則下風木。得以上乘。穀氣因之。不宣。變為呃逆。用橘皮升降中氣。人參甘艸補益中焦。生薑大棗宣散逆氣。竹茹以降膽木。

之風熱耳。

橘皮乾薑湯

治乾嘔吐逆吐涎沫而噦。

補論

金匱云病人欲吐者不可下之。

欲吐者陰邪在上也。若下之不惟逆其陽氣。反傷無故之陰。變害莫測。豈獨反胃而已。食已即吐者。大黃甘草湯主之。

胃素有熱。食復入之。兩熱相衝。不得停留。用
大黃下熱。甘艸和胃。張石頑云。仲景既云欲
吐者不可下。又用大黃甘艸湯。治食已即吐
何也。曰。欲吐病在上。因而越之可也。逆之使
下。則必憤亂益甚。既吐矣。吐而不已。有升無
降。當逆折之。使下。故用大黃。

大黃甘草湯

方見
金匱

治食已即吐。

通草橘皮湯 千金

治傷寒胃熱嘔逆

通草 二錢 橘皮 一分 粳米 一

生蘆根汁 五分

水煎熱服

去通草橘皮加竹茹生薑汁千金名蘆根飲

子治傷寒後嘔噦反胃乾嘔

丹溪云凡嘔家禁用服瓜樓實桃仁萊菔子

山梔一切有油之物皆犯胃作吐景岳云嘔家亦忌蒼朮以其味不醇而動嘔也

沈芊綠云

食已心下痛隱隱不可忍吐出痛方止證名食痺吐食宜此湯之

茯苓半夏湯

麥芽

茯苓

半夏

白朮

神糲

橘皮

天麻

生薑

各等分

水煎服

麥天湯

亦主之

麥冬

天麻

茯苓

白朮

半夏

陳皮

神糲

生薑

各等分

水煎服

呃逆

景岳曰、呃逆症謂其呃之連聲、無不由於氣逆、而呃之大要亦唯三者而已。一曰寒呃、二曰熱呃、三曰虛呃之呃。寒呃者、頭痛惡寒、發熱、脈緊、外寒可散、宜二陳湯、倍加生薑、陳皮、主之。腹痛、口中和、手足冷、脈微、內寒可溫、以理中湯、四逆湯、加丁香、炒仁、主之。去其蔽抑之寒、而呃止矣。火呃者、口渴、煩燥、三焦之火、可清、以黃芩湯、加

半夏竹葉石膏湯加薑汁主之。潮熱狂亂腹滿便艱。陽明實火可下。以三承氣湯主之。火勢未甚者。只以安胃飲主之。去其衝上之火。火靜則氣自平。而呃止矣。唯虛脫之呃。或以大病之後。或以虛羸之極。或以虛損誤攻。而致呃逆者。當察其中虛。速宜補脾。以六君子湯。理中湯。加丁香柿蒂。白豆蔻。主之。察其陰虛。速宜補腎。以六味湯。八味湯。加紫石英。主之。歸氣飲最妙。虛甚

者必須大劑補元煎加丁香白豆蔻主之然實
呃者不難治惟元氣敗竭者乃最危之候也更
有傷寒之呃者仍當於傷寒門閱之

張石頑曰平人飲熱湯及食椒薑即呃者此胃
中有寒痰死血也死血用韭汁童便下越麴丸
虛人用理中湯加蓬朮桃仁痰加茯苓半夏呃
逆皆是寒熱錯亂二氣相搏使然故治亦多用
寒熱相兼之劑觀丁香柿蒂散可以知其義矣

丁香柿蒂散

治呃逆通劑

丁香

柿蒂

等分為末每服二錢開水送下

去胃散

景岳

治胃火上衝呃逆不止

陳皮

山楂

麥芽

各五分

木通

澤瀉

黃芩

石斛 各一錢

水煎食遠服

如胃火熱甚加石膏

歸氣飲 景岳

治氣不順呃逆嘔吐或寒中脾腎等症

熟地 三五錢

茯苓

扁豆 各二錢

乾薑 炮

丁香

陳皮 各一錢

藿香

一錢五分

炙艸

八分

水煎服

中氣寒甚加製附子

肝腎寒者加吳茱萸肉桂或加當歸

羌活附子湯

治胃冷呃逆

附子

羌活

茴香

錢各一

乾薑

分四

木香

分二

為末入鹽一撮水煎微溫服

丁香煮散

與局方不同

治胃反嘔逆呃噦泄瀉

丁香

三十粒

建蓮肉

去心二十七粒上
二味另煎去滓

生薑

七片

黃木米

半盞

水一碗半煮熟去薑藥啜粥

半夏生薑湯

方見金匱

治呃逆欲死

刀菹子散

治病後嘔逆不止

刀葶子燒存性滾水調服二錢即止

元紅散

各見種福堂

治呃逆不止

用荔枝

七個

連皮燒灰存性為末百滾湯調服立止